



PRIMA SESSIONE URDINARIA DI U 2021
REUNIONE 25 È 26 DI FERRAGHJU DI U 2021

1ERE SESSION ORDINAIRE DE 2021
REUNION DES 25 ET 26 FEVRIER 2021

2021/O1/014

Dumanda à bocca posta da U Sgio Pasquale CARLOTTI
A nomu di u gruppu « Partitu di a Nazione Corsa »

Ogettu : Capes di lingua corsa è novu CPER

O Sgiò Presidente,

Cum'è tutti i 2 o 3 anni, l'Education Naziunale vole mette in ballu una riforma nova, è cum'è tutti i 2 o 3 anni, sta riforma serà un rincu di più per l'insignamentu di lingua corsa... Sta volta, hè u CAPES chì hè toccu, cuncursu di ricrutamentu di i professori.

Ùn entreraghju micca inde i ditaglii, chì sò stati palisati da i sindacati è i professori di l'Università in a stampa stu qualchì ghjornu passatu. Diceraghju solu chì un cuncursu cù a maiò parte in lingua francese ùn pò chè presentà un risicu impurtantissimu di ricrutà insignanti chì ùn ammaestregjanu micca abbastanza a lingua corsa.

Oghje chì a primura di l'insignamentu di è in lingua corsa face l'unanimità pulitica, pare chì u Statu conta à nantu à e so riforme per tumbà sempre appena di più a nostra lingua : a riforma di u basciogliè hà fattu perde in quantità, questa quì vole fà perde in qualità ! Per contu nostru, ùn a pudema accettà !

À u listessu mumentu, mi pare chì l'Esecutivu hè in piena negoziazione di u novu Cuntrattu di Pianu trà u Statu è a Regione (CPER). Stu pianu hè impurtante assai per i mezi messi à prò di l'insignamentu di è in lingua nostra. Pruffittu dunque di l'occasione per fà vi sta dumanda :

- A chì ne simu di e discussione di l'Esecutivu cù u Statu à nantu à u CAPES di corsu ?
- Qualessi sò l'assi maiò sviluppati da l'Esecutivu in u CPER da vene tucchendu à a lingua ?